



DIE PRIMA OCTOBRIS.

547

IN FESTO

SANCTI ANGELLI,

REGNI CUSTODIS.

DUPLEX SECUNDÆ CLASSIS CUM OCTAVA.

AD VĒSPERAS.

ANT. **A**ngelum virtutis
sue emisit Dominus ex
Sion, qui liberavit Civi-
tatem nostram de medio
inimicorum suorum.

Psalmus 109.

Dixit Dominus Domi-
no meo: * Sede a dextris
meis;

Donec ponam inimicos
tuos, * scabellum pedum
tuorum.

Virgam virtutis tue
emittet Dominus ex Sion:
* dominare in medio ini-
micorum tuorum.

Tecum principium in

die virtutis tue in splen-
doribus Sanctorum * ex
utero ante luciferum ge-
nui te.

Juravit Dominus, et
non poenitebit eum: * Tu
es Sacerdos in æternum
secundum ordinem Mel-
chisedech.

Dominus a dextris tuis: *
confrigit in die iræ sue
reges.

Judicabit in nationibus,
implebit ruinas: * con-
quassabit capita in terra
multorum.

De torrente in via bibet: *
propterea exaltabit caput.

ANT. Angelum virtutis
sue emisit Dominus ex
Sion, qui liberavit Civi-

tâtem nostram de médio inimicôrum suôrum.

ANT. Ecce non dormitâbit, neque dôrmiet qui custôdit Civitâtem istam, quóniam ipse est protéc-tio super manum dexte-ram nostram.

Psalmus 120.

Levâvi ôculos meos in montes, * unde véniet auxiliium mihi.

Auxilium meum á Dómino, * qui fecit cœlum et terram.

Non det in commotiô-nem pedem tuum; * ne-que dormitet qui custô-dit te.

Ecce non dormitâbit neque dôrmiet, * qui custôdit Israël.

Dóminus custôdit te; Dóminus protéc-tio tua, * super manum dexteram tuam.

Per diem sol non uret te, * neque luna per noc-tem.

Dóminus custôdit te ab ômni malo: * custôdiat ânimam tuam Dóminus.

Dóminus custôdiat in-trôitum tuum, et éxitum tuum * ex hoc nunc, et usque in sæculum.

ANT. Ecce non dormitâbit, neque dôrmiet qui custôdit Civitâtem istam, quóniam ipse est protéc-tio super manum dexte-ram nostram,

ANT. Nisi Ângelus Dómini custodierit Civitâ-tem nostram, in vanum laboraverunt qui custô-diunt eam.

Psalmus 126.

Nisi Dóminus ædificá-verit domum, * in va-num laboraverunt qui ædificant eam.

Nisi Dóminus custodie-rit Civitâtem, * frustra vigilat qui custôdit eam.

Vanum est vobis ante lucem súrgere: * súrgite postquàm sederitis, qui manducâtis panem dolô-ris.

Cum dederit diléctis suis somnum: * ecce hæ-réditas Dómini, filii; mer-ces, fructus ventris.

Sicut sagittæ in manu potētis , * ita filii excussōrum.

Beātus vir qui implēvit desidērium suum ex ipsis : * non confundētur, cum loquētur inimicis suis in porta.

ANT. Nisi Ángelus Dómini custodierit Civitatem nostram, in vanum laboraverunt qui custodiunt eam.

ANT. In conspēctu Angelōrum psallam tibi Deus meus, ut per eōrum custodiam super iram inimicōrum meōrum extēdas manum tuam, et salvum me faciāt dēxtera tua.

Psalmus 137.

Confitēbor tibi, Dómine, in toto corde meo: * quóniam audisti verba oris mei.

In conspēctu Angelōrum psallam tibi : * adorābo ad templum sanctum tuum, et confitēbor nómini tuo.

Super misericórdia tua, et veritatē tua : * quó-

niam magnificasti super omne, nomen sanctum tuum.

In quacúmque die invocávero te, exáudi me: * multiplicábis in ánima mea virtutem.

Confiteántur tibi, Dómine, omnes reges terræ : * quia audierunt ómnia verba oris tui :

Et cantent in viis Dómini : * quóniam magna est glória Dómini.

Quóniam excelsus Dóminus, et humília respicit : * et alta á longē cognóscit.

Si ambulávero in médio tribulatiōnis, vivificábis me : * et super iram inimicōrum meōrum extendisti manum tuam, et salvum me fecit dēxtera tua.

Dóminus retríbuet pro me : * Dómine, misericórdia tua in sæculum: ópera mánuum tuarum ne despicias.

ANT. In conspēctu Angelōrum psallam tibi, Deus meus, ut per eōrum custodiam super iram inimi-

côrum meôrum exténda
manum tuam, et saluum
me fáciat dèxtera tua.

ANT. Confortávit Dó-
minus seras portârum Ci-
vitâtis suæ, et pósuit Ân-
gelum ad pacem, et cus-
tódiam in finibus ejus.

Psalmus 147.

Lauda, Jerúsalem, Dó-
minum : * lauda
Deum tuum, Sion.

Quóniam confortávit
seras portârum tuârum : *
benedíxit filiis tuis in te.

Qui pósuit fines tuos
pacem ; * et ádipe frumén-
ti sátiat te.

Qui emíttit elóquium
suum terræ : * velóciter
currit sermo ejus.

Qui dat nivem sicut lá-
nam : * nébulam sicut cí-
nerem spargit.

Mittit crystállum suam
sicut buccéllas : * ante fá-
ciem frigoris ejus ; quis
sustinébit ?

Emíttet verbum suum,
et liquefáciat ea : * flabit
spíritus ejus, et fluent
aquæ.

Qui annúntiat verbum
suum Jacob ; * justitias,

et júdicia sua Ísraël.

Non fecit táliter omni
natiôni ; * et júdicia sua
non manifestávit eis.

ANT. Confortávit Dó-
minus seras portârum Ci-
vitâtis suæ, et pósuit Ân-
gelum ad pacem, et cus-
tódiam in finibus ejus.

CAPITULUM.

4. Reg 19. v. 32.

Hæc dicit Dóminus de
Rege Assyriôrum : non
ingrediêtur Urbem hanc,
nec mittet in eam sagít-
tam, nec occupábit eam
clypeus, nec circúmdabit
eam munitio.

H Y M N U S.

Custôdes hóminum psá-
llimus Ángelos,
Naturæ frágili quos Pa-
ter áddidit
Coeléstis cómites, insi-
diántibus

Ne succumberet hósti-
bus.

Nam quód corrúerit pró-
ditor Ángelus,

Concèssis mérito pulsus
hónoribus ;

+

Hymnus.

Tibi Christe splendor Petris
 Vita, virtus cordium;
 In conspectu Angelorum
 Votis, voce psalimus;
 Alternantes concurrebant
 Melor clamus vocibus.
Collaudamus venerantes,
 Omnes caeli Principes,
 Sed praecipue Custodem
 Huius regni et populi,
 Qui te iubente, a malis
 Non traheretur omnibus,
Quo custode procul
 pelle,
 Rex Christe piissime,
 Omne nefas inimici,

Mundo corde et corpore;
 Paradiso redde tuo
 Non sola clementia.
Gloriam Petris melodis
 Personemus vocibus
 Gloriam Christo canamus
 Gloriam Paraclito
 Qui primus et unus Deus
 Exstat ante saecula,
 Amen

(5)

Ardens invidia pèllere
nítitur

Quos cœlo Deus ádvo-
cat.

Huc custos ígitur pèrvi-
gil ádvola,

Avértens pátria de tibi
crédita

Tam morbos ánimi,
quàm requiescere

Quidquid non sinit ín-
colas.

Sanctæ sit Triadi laus pia
júgiter,

Cujus perpétuo númi-
ne máchina

Triplex hæc régitur,
cujus ín ómnia

Regnat gloria sæcula.
Amen.

Ÿ. Ángelis suis Deus
mandávit de te.

R. Ut custódiant te ín
ómnibus viis tuis.

AD MAGNIFICAT.

ANT. Super muros tuos,
Jerúsalem, constitui cus-
tôdes: tota die et nocte
non tacébunt laudáre no-
men Dómini.

Omnípotens sempitér-

ORATIO.

ne Deus, qui ineffábi-
li providentiâ unicuique
Regno singulárem Ánge-
lum ad custódiám depu-
tásti: concéde quæsumus;
ut Ángeli Regni nostri
Custôdis précibus et pa-
trocíniis ab ómnibus sem-
per eruámur advérsis. Per
Dóminum...

AD MATUTÍNUM.

Invitatorium.

Regem Angelôrum Dó-
minum.

* Veníte, adorémus.

Hymnus. Custôdes hó-
minum... *ut supra in Vês-
peris.*

IN I. NOCTÚRNO.

ANT. Dirige Dómine,
per Ángelum tuum viam
nostram, et scuto fortitú-
dinis tuæ prótege servos
tuos.

Psalms 5.

Verba mea áuribus pèr-
cipe, Dómine, * intelli-
ge clamórem meum.

Inténde voci oratiônis
meæ , * Rex meus , et
Deus meus.

Quóniam ad te orábo : *
Dómine , mane exaúdiés
vocem meam.

Mane astábo tibi , et
vidèbo ; * quóniam non
Deus volens iniquitátem
tu es.

Neque habitábit juxta
te malignus ; * neque per-
manébunt injústi ante
óculos tuos.

Odísti omnes qui ope-
rántur iniquitátem : * per-
des omnes qui loquúntur
mendácium.

Virum sánguinum et
dolósum abominábitur
Dóminus : * ego au-
tem in multítudine mi-
sericordiæ tuæ.

Introibo in dómum
tuám ; * adorábo ad tem-
plum sanctum tuum in
timóre tuo.

Dómine , deduc me in
justítia tua : * propter ini-
micos meos , dirige in
conspéctu tuo viam meam

Quóniam non est in
ore eórum véritas : * cor
córurum vanum est.

Sepúlchrum patens est
guttur eórum ; línguís
suis dolósè agébant : * jú-
dica illos , Deus.

Décidant à cogitatióni-
bus suis , secúndum mul-
títudinem impietátum eó-
rum expélle eos ; * quó-
niam irritavérunt te , Dó-
mine.

Et læténtur omnes qui
sperant in te : * in æter-
num exultábunt , et ha-
bitábis in eis.

Et gloriabúntur in te
omnes qui diligunt no-
men tuum : * quóniam
tu benedices justo.

Dómine , ut scuto bo-
næ voluntátis tuæ , * co-
ronásti nos.

ANT. Dirige , Dómine ,
per Ángelum tuum viam
nostram , et scuto forti-
túdinis tuæ prótege ser-
vos tuos.

ANT. Minuísti , Dómi-
ne , hómínem paulò mi-
nus ab Ángelis , sed eó-
rum custodiâ visitásti eum
et in periculis multis me-
mor ejus fuísti.

Dómine , Dóminus
Psalmus 8.

noster ; * ; quàm admirabile est nomen tuum in univèrsa terra !

Quóniam eleváta est magnificéntia tua * super coelos.

Ex ore infántium et lactentium perfecísti laudem propter inimicos tuos , * ut déstruas inimicum et ultòrem.

Quóniam vidèbo coelos tuos , ópera digítòrum tuòrum : * lunam et stellas quæ tu fundásti.

¿ Quid est homo , quód memor es ejus? * ¿ aut filius hóminis , quóniam vísitas eum?

Minuísti eum paulò minùs ab Angelis , glória et honóre coronásti eum : * et constituísti eum super ópera mánum tuárum.

Omnia subjecísti sub pédibus ejus , * oves et boves univèrsas , insuper et pecóra campi ;

Vólucres cœli , et pisces maris , * qui perámbulant sémitas maris.

Dómine , Dóminus noster * ; quàm admirabile est nomen tuum in uni-

versá terra!

ANT. Minuísti , Dómine , hóminem paulò minus ab Angelis , sed eòrum custodiá visitásti eum , et in periculis multis memor ejus fuísti.

ANT. Tu Dómine , servábis et custódies nos per Ángelum tuum ab omni pravá generatióne , quia in circúitu nostro impij ámbulant.

Psalmus 11.

Salvum me fac , Dómine , quóniam defecit sanctus : * quóniam diminútæ sunt veritátes à filiis hóminum.

Vana locúti sunt unusquisque ad próximum suum : * lábia dolósa , in corde et corde locúti sunt.

Dispérdat Dóminus univèrsa lábia dolósa , * et linguam magniloquam.

Qui dixerunt : Linguam nostram magnificábimus , lábia nostra à nobis sunt : * ¿ quis noster Dóminus est?

Propter misériam ínopum , et gémitum páu-

perum, * nunc exúrgam; dicit Dóminus.

Ponam in salutári: * fiduciaúliter agam in eo.

Elóquia Dómini, elóquia casta: * argéntum igne examinátum, probátum terræ, purgátum séptuplum.

Tu Dómine, servábis nos: et custódies nos * à generatióne hac in ætérnum.

In circúitu ímpii ámbulant: * secóndum altitúdinem tuam multiplicásti filios hóminum.

ANT. Tu Dómine, servábis et custódies nos per Angelum tuum ab omni pravá generatióne, quia in circúitu nostro ímpii ámbulant.

ψ. Angelis suis: Deus mandávit de te.

R. Ut custodiant te in ómnibus viis tuis.

LECTIO I.

De Libro Apocalypsis Beáti Joánnis Apóstoli.

V *Cap. 8. v. 2.*
idi septem Ángelos

stantes in conspéctu Dei, et datæ sunt illis septem tubæ. Et álius Ángelus venit et stetit ante Altáre habens thuríbulum áureum: et data sunt illi incénsa multa, ut daret de oratióibus Sanctórum ómnium super Altáre áureum, quód est ante thronum Dei. Et ascendit fumus incensórum de oratióibus Sanctórum de manu Ángeli coram Deo. Et accépit Ángelus thuríbulum, et implévit illud de igne Altáris, et misit in terram, et facta sunt tonítroa, et voces, et fúlgura, et terrémótus magnus.

R. Ángelis suis Deus mandávit de te, * Ut custodiant te in ómnibus viis tuis. ψ. In mánibus portábunt te, ne fortè offéndas ad lápidem pedem tuum. * Ut custodiant..

LECTIO II.

F et septem Ángeli, qui habébant septem tubas,

præparavérunt se, ut tubâ canerent Et primus Angelus tubâ cécinit, et facta est grando, et ignis, mixta in sânguine, et missum est in terram, et tertia pars terræ combústa est, et tertia pars árborum concremáta est, et omne fœnum vírde combustum est. Et secúndus Ángelus tubâ cécinit: et tamquam mons magnus igne ardens missus est in mare, et facta est tertia pars maris sangüis, et mórtua est tertia pars creatúræ eórum, quæ habébant ánimas in mari, et tertia pars návim intériit.

R. Immittet Ángelum suum Dóminus in circúitu tíméntium eum: * Et de ómnibus tribulatióibus suis erípiet eos. V. Clamavérunt justí, et Dóminus exaudivit eos, et misit Ángelum suum. * Et de ómnibus...

LECTIO III.

Et tertius Ángelus tubâ cécinit: et cécidit de

cœlo stella magna, ardens tamquàm fâcula, et cécidit in tertiam partem flúminum, et in fontes aquárum: et nomen stellæ dicitur Absínthium; et facta est tertia pars aquárum in absínthium: et multi hóminum mórtui sunt de aquis, quia amáræ factæ sunt. Et quartus Angelus tubâ cécinit: et percússa est tertia pars solis, et tertia pars lunæ, et tertia pars stellárum, ita ut obscurarétur tertia pars eórum, et diéi non lucêret pars tertia, et noctis simíliter. Et vidi, et audívi vocem unius áquilæ volántis per médium cœli, dicéntis voce magnâ: Væ, væ, væ habitántibus in terrâ de cæteris vóçibus trium Ángelórum, qui erant tubâ canitúri.

R. Super muros tuos, Jerúsalem, pósui custódes, * Qui totâ die, ac nocte non cessábunt laudâre nomen Dómini.

V. Prædicábunt pópulis fortitúdinem nœam,



et annuntiábunt géntibus
glóriam meam. * Qui to-
ta... Glória Patri... Qui
tota...

IN II. NOCTÚRNO.

ANT. Custódi nos, Dó-
mine, ut pupillam óculi,
sub umbrâ alârum tuâ-
rum prótege nos.

Psalmus 16.

Exáudi, Dómine, jus-
títiam meam: * inténde
deprecatiõnem meam.

Auribus pèrcipe oratiõ-
nem meam, * non in lá-
biis dolósis.

De vultu tuo iudícium
meum pródeat: * óculi
tui videant æquitates.

Probâsti cor meum, et
visitâsti nocte: * igne me
examínâsti, et non est
invénta in me iníquitas.

Ut non loquâtur os
meum ópera hóminum: *
propter verba labiõrum
tuõrum ego custodívi vias
duras.

Pèrfice gressus meos in
sémítis tuis: * ut non mo-

veántur vestigia mea.

Ego clamávi, quóniam
exaudisti me, Deus: * in-
clína aurem tuam mihi,
et exáudi verba mea.

Mirífica misericórdias
tuas, * qui salvos facis
sperántes in te.

Á resisténtibus dèxteræ
tuæ custódi me, * ut pu-
pillam óculi.

Sub umbrâ alârum tuâ-
rum prótege me: * à fá-
cie impiõrum qui me af-
flicxérunt.

Inimíci mei ánimam
meam circumdedérunt,
á dipem suum conclusé-
runt: * os eõrum locú-
tum est supérbiam.

Projiciétes me nunc
circumdedérunt me: *
óculos suos statuérunt de-
clináre in terram.

Suscepérunt me sicut
leo parátus ad prædam:
* et sicut cátulus leónis
hábitans in ábditis.

Exúrge, Dómine, præ-
veni eum, et supplánta
eum: * éripe ánimam
meam ab impio, frámeam
tuam ab inimicis manûs
tuæ.

Dómine, à paucis de terra divide eos in vita eorum: * de absconditis tuis adimplétus est venter eorum.

Saturati sunt filiis: * et dimiserunt reliquias suas parvulis suis.

Ego autem in justitiá apparebo conspéctui tuo: * satiabor cum apparuerit glória tua.

ANT. Custódi nos, Dómine, ut pupillam oculi, sub umbra alarum tuarum prótege nos.

ANT. Mitte nobis, Dóne, auxilium angélicum de sancto, et de Sion tuère Civitátem nostram.

Psalmus 19.

Exáudiat te Dóminus in die tribulatiónis: * prótegat te nomen Dei Jacob.

Mittat tibi auxilium de sancto, * et de Sion tueatur te.

Memor sit omnis sacrificii tui; * et holocáustum tuum pingüe fiat.

Tribuat tibi secundum

cor tuum: * et omne consilium tuum confirmet.

Lætábitur in salutári tuo: * et in nómine Dei nostri magnificábitur.

Impleat Dóminus omnes petitiónes tuas: * nunc cognóvi quóniam salvum fecit Dóminus Christum suum.

Exáudiet illum de cælo sancto suo: * in potentatibus salus dexteræ ejus.

Hi in curribus, et hi in equis: * nos autem in nómine Dómini Dei nostri invocábitur.

Ipsi obligati sunt, et ceciderunt: * nos autem surréximus, et erecti sumus.

Dómine, salvum fac regem: * et exáudi nos in die, qua invocáverimus te.

ANT. Mitte nobis, Dóne, auxilium angélicum de sancto, et de Sion tuère Civitátem nostram.

ANT. Qui tribulant nos inimici nostri, infirmati sunt, et ceciderunt, quia Dóminus protéxit nos per Angelum suum in abs-

cónditô tabernáculi sui.

Psalmus 26.

Dóminus illuminatio mea, et salus mea, *
 ¿ quem timêbo?

Dóminus protéctor vitæ meæ, * ¿á quo trepidábo?

Dum apprópíant super me nocéntes, * ut edant carnes meas.

Qui tribulant me inimíci mei, * ipsi infirmáti sunt, et cecidérunt.

Si consistant advérsùm me castra, * non timébit cor meum.

Si exúrgat advérsùm me prælium, * in hoc ego sperábo.

Unam pétii à Dómīno, hanc requíram, * ut inhábitem in domo Dómini, ómnibus diébus vitæ meæ.

Ut vídeam voluptâtem Dómini, * et visitem templum ejus.

Quóniam abscondit me in tabernáculo suo : * in die malôrum protéxit me in absconditô tabernáculi sui.

In petrâ exaltávit me : * et nunc exaltávit caput meum super inimícos meos.

Circuivi, et immolávi in tabernáculo ejus hostiam vociferatiônis : * cantábo, et psalmum dicam Dómīno.

Exáudi, Dómīne, vocem meam, qua clamávi ad te : * miserére mei et exáudi me.

Tibi dixit cor meum, exquisívit te fácies mea : * fáciem tuam, Dómīne, requíram.

Ne avértas fáciem tuam à me : * ne declines in irâ à servo tuo.

Adjútor meus esto : * ne derelinquas me, neque despicias me, Deus salutaris meus.

Quóniam pater meus, et mater mea dereliquérunt me : * Dóminus autem assúmpsit me.

Legem pone mihi, Dómīne, in viâ tuâ : * et dirige me in sémitam rectam propter inimícos meos.

Ne tradideris me in ánimas tribulántium me : *

(13)

quóniam insurrexérunt in me testes iníqui, et mentita est iníquitas sibi.

Credo vidére bona Dómini * in terra vivéntium.

Expécta Dóminum, viriliter age: * et confortétur cor tuum, et sústine Dóminum.

ANT. Qui trébulant nos inimíci nostri, infirmitáti sunt, et cecidérunt, quia Dóminus protéxit nos per Ángelum suum in absconditò tabernáculi sui.

Y. Dirige nos, Dómine, per Angelum tuum.

R. Quóniam tu es Salvator noster.

LECTIO IV.

Sermo Sancti Bernárdi Abbátis.

In supérnis spirítibus non solùm admirábilis dignitas, sed dignátio amábilis invenitur. Dignum est proinde, fratres, ut glóriam non capiéntes, tantò magis amplectámur misericórdiam, quâ nimirum constat nihilóminus abundáre domésticos Dei,

coeli cives, Príncipes Paradísi. Testátur dénique Apóstolus ipse qui raptus usque ad tértium cœlum, beátæ illi Cúriæ méruit interésse, atque e us nosse secréta, quóniam omnes administratórii sunt Spíritus, missi in ministérium propter eos, qui hæreditátem cápiunt salútis. Neque id cuiquam incredíbile videátur, quandòquidem ipse quoque Créator, et Rex Angelòrum venit non ministrári sed ministráre, et ánimam suam dare pro multis. Ut quid ergo ministerium illud Angelòrum quispiam dedignétur, in quo præcedit eos, cui in excélsis tota cum aviditáte, et felicitáte ministrant? Si et hinc dúbitas; úti que qui vidit, testimónium pérhibuit, millia, inquires, millium ministrábant ei, et decies millies centená millia assistébant ei. Álius quoque Prophéta ad Patrem de Filio loquens, ait: Minuisti eum paulò minus

ab Angelis. Sic planè, sic decet ut vincat et humilitate, qui sublimitate vincēbat; sitque tantò minor Angelis, quantò inferiòri sese ministèrio mancipavit. Qui tantò excellētiore est, quantò differentius præ eis nomen hæreditavit.

R. Misit Dóminus Angelum suum, et conclusit ora leónum.

* Et non nocuerunt mihi.

ψ. Misit Dóminus misericórdiam suam, et fortitudinem suam, animam meam liberavit de medio catulòrum leónum.

Et non nocuerunt...

LECTIO V.

Sed quæras fortásse in quo minoratus videatur ab Angelis, cum ministrare venit, quandoquidem, ut supra meminimus, in ministèrium mittuntur et illi? In eo utique; quòd non modò ministravit, sed et ministratus est, eratque unus et idem, qui ministrabat

et qui ministrabatur. Meritò proinde Sponsa in Canticòrum: ecce, inquit, iste venit saliens in montibus, transiliens in colles. Ministrans enim salit inter Angelos, sed et ipsos transilit ministratus. Ministrant enim Angeli, sed de alièno, offerentes Deo bona opera, non sua, sed nostra, ac nobis ejus grátiam referentes. Unde et Scriptúra dicens: Quóniam ascendit fumus aromatum in conspectu Dómini de manu Angeli: sollicitè præmisit data ei fuisse incensa multa. Nostros enim sudòres, non suos, nostras, non suas lácrymas offerunt Deo; nobis quoque ejus múnera referunt, non sua. Non sic minister ille sublimior cunctis, sed et humilior univèrsis, qui semetípsum obtulit sacrificium laudis, qui Patri offerens animam suam, nobis ministrat usque hodie carnem suam. Hujus utique tanti ministri grátia nihil mirum, si dig-

nânter nobis, immò et libènter Àngeli sancti ministrènt. Ipsi enim amant nos, quia nos Christus amâvit. Dicitur certè vulgâri quodam provèrbio: qui me amat, amat et canem meum. Nos verò, ò beâti Àngeli! catèlli sumus Dòmini illius, quem toto affèctu diligitis: catèlli, inquam, cupièntes saturâri de micis, quæ cadunt de mensâ dominòrum nostròrum, qui estis vos. Et hæc dixerim, fratres, ut ampliòrem de cætero erga beâtos Àngelos fidúciâ habeâtis, ac proinde familiâriùs in omni necessitâte vestra eòrum invocetis auxiliâ. Sed et digniùs in eòrum præsentia conversâri, et magis eòrum vobis conciliâre grâtiâ, captâre benevolèntiâ, et exorâre clemèntiâ studeâtis.

R. Muro tuo inexpugnâbili circumcinge nos, Dòmine: * Et armis tuæ potentiæ protége nos.

V. Emitte, Dòmine,

Angelum tuum, qui custodiât nos in ómnibus viis nostris. * Et armis..

LECTIO VI.

Quæ cum ita sint, pensâte quantâ etiâ nobis sollicitúdiâne opus est, dilectíssimi, ut dignos nos exhibeâmus eòrum frequèntiâ, et eo modo conversémus in conspectu Àngelòrum, ne fortè sanctos offendâmus obtútus. Væ enim vobis, si quâdo provocâti peccâtis, et negligèntiùs nostris, indignos nos judicâverint præsentîâ, et visitatiòne suâ, ut jam necesse habeâmus et nos plângere, et dicere cum Prophéta: Amici mei, et próximi mei advèrsùm me appropinquâverunt et steterunt, et qui juxtâ me erant, de longè steterunt, et vim faciébant, qui quærébant ânimâ meâ: elongâti nimirùm eis, quòrum præsentîâ protégere nos, et propulsâre póterat inimicum. Quod si tam neces-

sariam habemus familiaritatem dignationis Angelicæ, cavenda nobis eorum offensa, et in his máximè exercendum, quibus eos nóvimus oblectári. Sunt enim plúrima, quæ eis placent, et quæ in nobis invenire deléctat, ut est sobrietas, castitas, paupertas voluntaria, crebri in cœlum gémitus, et orationes cum lacrymis, et cordis intentione. Attamen super omnia hæc unitatem, et pacem à nobis exigunt Angeli pacis.

R. Expugna, Domine, impugnantes nos: * Et libera nos de inimicis nostris.

ψ. Fiant viæ illorum tenebræ, et lubricum, et Angelus Domini persequens eos. * Et libera... Glória Patri... Et libera...

IN III. NOCTÚRNO.

ANT. Immisit Angelus Domini in circúitu timéntium eum, et de multis tribulationibus eripuit eos,

Benedicam Dóminum in omni tēpore, * semper laus ejus in ore meo.

In Dómino laudabitur ánima mea: * áudiant mansuéti, et læténtur.

Magnificáte Dóminum mecum: * et exaltémus nomen ejus in idípsum.

Exquisivi Dóminum, et exaudivit me: * et ex ómnibus tribulationibus meis eripuit me.

Accédite ad eum, et illuminámini: * et fácies vestræ non confundéntur.

Iste páuper clamávit, et Dóminus exaudivit eum: * et de ómnibus tribulationibus ejus salvávit eum.

Immíttet Angelus Dómini in circúitu timéntium eum: * et eripiet eos.

Gustáte, et vidéte quóniam suávis est Dóminus: * beátus vir, qui sperat in eo.

Timéte Dóminum, omnes sancti ejus: * quóniam non est inópia timéntibus eum.

- Divites egüerunt et esurierunt : * inquiréntes autem Dóminum non minuéntur omni bono.

- Veníte , filii , audíte me : * timórem Dómini docébo vos.

¿Quis est homo qui vult vitam : * diligit dies vidére bonos ?

Próhibe línguam tuam à malo : * et lábia tua ne loquántur dolum.

Divérte à malo , et fac bonum : * inquiré pacem , et perséquere eam.

Oculi Dómini super justos : * et aures ejus in precés eórum.

Vultus autem Dómini super faciéntes mala : * ut perdat de terra memoriám eórum.

Clamavérunt justí , et Dóminus exaudivit eos : * et ex ómnibus tribulatióibus eórum liberávit eos.

Juxtá est Dominus iis , qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus

his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum pessíma : * et qui odérunt justum delínquent.

Rédimet Dóminus ánimas servórum suórum : * et non delínquent omnes qui sperant in eo.

ANT. Immísit Angelus Dómini in circúitu tíméntium eum , et de multis tribulatióibus erípuit eos.

ANT. Adoráte Dóminum , omnes Angeli ejus , quóniam Dóminus custodívit ánimas servórum suórum , et de manu peccatôris liberávit eos.

Psalmus 96.

Dóminus regnávít , exúltet terra : læténtur insulæ multæ.

Nubes , et calígo in circúitu ejus : * justitia et júdicium corréctio sedis ejus

Ignis ante ipsum præcédet , * et inflam mábit in circúitu inimícos ejus.

Illuxerunt fúlgura ejus
orbi terræ : * vidit , et
commóta est terra.

Montes sicut cera fluxé-
runt à fácie Dómini : * à
fácie Dómini omnis terra.

Annuntiavérunt cœli
justítiam ejus : * et vidé-
runt omnes pópuli gló-
riam ejus.

Confundántur omnes,
qui adórant sculptília : * et
qui gloriántur in simulá-
chris suis.

Adoráte eum , omnes
Ángeli ejus : * audivit , et
lætata est Sion.

Et exultavérunt filix Jui-
dæ , * propter judícia tua,
Dómine :

Quóniam tu Dóminus
altíssimus super omnem
terram : * nimis exaltátus
es super omnes deos.

Qui diligitis Dóminum,
odíte malum : * custódit
Dóminus ánimas sanctô-
rum suorum , de manu
peccatôris liberábit eos.

Lux orta est justo , * et
rectis corde lætítia.

Lætámini justí in Dó-
mino : * et confitémini
memóriæ sanctificatiónis
ejus.

ANT. Adoráte Dómi-
num , omnes Angeli ejus,
quóniam Dóminus custo-
dívit ánimas servôrum
suorum , et de manu pec-
catôris liberávit eos.

ANT. Benedícite Dómi-
num , omnes Angeli ejus,
et notas nobis fácite vias
ejus.

Benedic , *Psalmus 102.*
ánima mea,
Dómino : * et ómnia,
quæ intra me sunt , nó-
mini sancto ejus.

Benedic , ánima mea,
Dómino : * et noli obli-
visci omnes retributiónes
ejus.

Qui propitiátur omni-
bus iniquitatibus tuis : *
qui sanat omnes infirmi-
tates tuas.

Qui rédimit de intéritu
vitam tuam : * qui corô-
nat te in misericórdia et
miserationibus.

Qui replet in bonis de-
siderium tuum : * reno-
vábatur ut áquilæ juven-
tus tua.

Faciens misericordias Dó-
minus : * et judícium ómni-

bus injúriam patientibus.

Notas fecit vias suas Móysi, * filiis Ísraël voluntátes suas.

Miserátor, et miséricors Dóminus: * longánimis, et multum miséricors.

Non in perpétuum irascetur: * neque in ætérnum comminábitur.

Non secúndum peccáta nostra fecit nobis: * neque secúndum iniquitátes nostras retribuit nobis.

Quóniam secúndum altitúdinem cœli à terra, * corroborávit misericórdiam suam super timéntes se.

Quántum distat ortus ab occidénte: * longè fecit à nobis iniquitátes nostras.

Quómodo miseretur pater filiòrum, misértus est Dóminus timéntibus se: * quóniam ipse cognóvit figméntum nostrum.

Recordátus est quóniam pulvis sumus: * homo sicut foenum dies ejus, tamquam flos agri sic efflorêbit.

Quóniam spíritus pertransibit in illo, et non subsístet: * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illius in filios filiòrum, * his qui servant testamentum ejus.

Et mémores sunt mandatórum ipsius, * ad faciendum ea.

Dóminus in cœlo parávit sedem suam: * et regnum ipsius ómnibus dominábitur.

Benedícite Dómino, omnes Ángeli ejus: * poténtes virtúte, faciéntes verbum illius, ad audiéndam vocem sermónum ejus.

Benedícite Dómino, omnes virtútes ejus: * ministri ejus, qui fácitis voluntátem ejus.

Benedícite Dómino, ómnia ópera ejus: * in omni loco dominatiónis ejus, benedic, ánima mea, Dómino.

ANT. Benedícite Dóminum , omnes Ángeli ejus , et notas nobis faci-tè vias ejus.

ψ. Mitte , Dómine, Ángelum tuum de cœlis.

R. Qui custódiat , et illúminet nos.

Homilia et Lectiones 3. Nocturni sumantur ex Breviario Romano sub diè 29 Septembris in festo sancti Michaëlis Archángeli.

R. VII. Dómine Deus omnipotens , ædificátor , et custos Jerúsalem Ci-vitátis supérnæ , mitte Angelum tuum , * Ut custódiat Regnum , et lo-cum istum cum ómnibus habitatóribus suis.

ψ. Convérte , Dómine , facièm tuam su-per Pópulum tuum , et vísitá nos per Ángelum tuum * Ut custódiat.

R. VIII. Regnum , et Civitátem istam circúm-da , Dómine : * Et Ángeli tui custódiant muros ejus : exáudi Pópulum tuum cum misericórdiá. ψ. Avertátur , Dómine,

furor tuus ab hoc Regno, et Civitáte tuá. * Et Ángeli tui... Glória Patri... Et Ángeli tui...

AD LAUDES,

ET HORAS.

ANT. Induit Ángelus Princeps noster fortitúdi-nem , et præcínxit se vir-túte , et firmávit Civitá-tem nostram , quæ non commovébitur ab inimi-cis nostris.

Psalm. Dóminus reg-návit.. *cum reliquis de Dominica,*

ANT. Jubiláte Deo. omnes cives ejus , quóniam Dóminus , qui fe-cit nos , ipse custódiat , et liberávit nos.

ANT. Ad te , Dómine, de luce vígilat Ángelus Princeps , et custos nos-ter , et super Civitátem istam : ideo inimici nos-tri in vanum quæsiérunt expugnáre eam.

ANT. Benedícant Dó-minum omnes Ángeli ejus , et repéllant á no-bis omnes potestátes ad-vérsas.

ANT. Laudate Dóminum, omnes Angeli ejus, et alligáte inimicos nostros in compédibus, et omnes impugnantes nos in mánicis férreis.

CAPITULUM.
4. Reg. Cap. 19. v. 32.

Hæc dicit Dóminus de Rege Assyriórum : non ingrediétur Urbem hanc, nec mittet in eam sagittam, nec occupábit eam clypeus, nec circúmdabit eam munitio.

HYMNUS.

Atérne Rector sýderum
Qui, quidquid est, potentiá
Magná creásti, nec regis
Minóre providéntiá:
Adesto supplicántium
Tibi reórum coetui;
Lucisque sub crepúsculum.
Lucem novam da méntibus:
Tuúsque nobis Angelus,
Eléctus ad custódiám,
Hic adsit, à contágio

Ut criminum nos próte-
gat.
Nobis draconis æmuli
Versútiás extérminet;
Ne rete frauduléntiæ
Incáuta nectat pécóra.
Metum repéllat hóstium
Nostris procul de finibus:
Pacem procúret civium,
Fugéque pestiléntiam.
Deo Patri sit glória,
Qui quos redémit Fílius,
Et sanctus unxit Spíritus
Per Angelos custódiat.
Amen.

Y. Immittet Angelus.
Dómini in circúitu timéntium eum.

R. Et eripiet eos.

Ad Benedictus.

ANT. Benedictus Dóminus, qui per Angelum salútis visitávit plebem, et Civitátem nostram, et liberávit eam de manu ómnium, qui odérunt nos, et diréxit pedes nostros in viam pacis.

Oratio. Omnipotens sempitérne Deus... ut suprà.

Ad Tertiam.

ANT. Jubilâte Deo...

CAPITULUM. Hæc dicit Dóminus... *ut supra.*R. *br.* Ángelis suis Deus, * Mandâvit de te. Ángelis.. *ψ.* Ut custódiat te in ómnibus viis tuis. * Mandâvit... Glória Patri... Ángelis...*ψ.* Dirige nos, Dómine, per Angelum tuum.

R. Quóniam tu es Salvátor noster.

Ad Sextam.

ANT. Ad te, Domine...

CAPITULUM.

4. Reg. 19. v. 33.

Per viam, qua venit, revertêtur, et Civitâtem hanc non ingrediêtur, dicit Dóminus: protegâmque Urbem hanc, et salvâbo eam propter David servum meum.R. *br.* Dirige nos, Dómine... * Per Angelum tuum...Dirige nos... *ψ.* Quóniam tu es Salvátor noster. * Per Angelum... Glória

Patri... Dirige nos...

ψ. Mitte, Dómine, Angelum tuum de cœlis.

R. Qui custódiat, et illúminet nos.

Ad Nonam.

ANT. Laudâte Dóminum...

CAPITULUM.

4. Reg. 19. v. 35.

Factum est igitur in nocte illâ: venit Angelus Dómini, et percussit in castris Assyriôrum centum octogînta quinque míllia.R. *br.* Mitte, Dómine, * Angelum tuum de cœlis: Mitte, Dómine... *ψ.* Qui custódiat, et illúminet nos. * Angelum... Glória Patri... Mitte, Dómine.*ψ.* Immittet Angelus Dómini in circúitu tímētium eum.

R. Et eripiet eos.

*In secundis Vesperis, ómnia ut in primis, sine commemoratiõe de sequenti.**Pro diebus infra Octavam, si qui sunt, in qui-*

bus fieri debeat de Octava, primæ Lectiões legantur de Scripturâ occurrente, aliæ sumantur ex Octavario Romano.

In die Octavâ, omnia ut in Festo, præter Lectiões primi Nocturni, quæ erunt de Scripturâ occurrente.

MISSA.

Intrôitus cum reliquis ut in Festo Angelôrum Custôdum die 2. Octobris, præter Oratiõnem quæ erit Omnipotens sempitérne Deus... ut supra.

DECRETUM.

Præsentiſſimum Sanctôrum Angelôrum auxilium iteratis vicibus patefactum in privatis, publicisque calamitatibus Ditiſſimo Cathólico Regi Ferdinando VII. ſubjectarum, dudum etiam Regis Sacratiffimi menti inſitum ita devotè, gratique animi ſenſu erga Angélicas Potestates ſuſcitavit, ut omnium fere votis morem gerens expedire cenſuerit per ſuum apud Sanctam Cathólicam Sedem Oratorem rogare Sanctiſſimum Dóminum noſtrum Leonem XII. Pont. Max. ad hoc, ut dignarètur certam designare diem peculiari Sancti Angeli, Regni Custôdis, cultui conſecrandam cum Officio proprio, et Miſſa ſub ritu dup. primæ classis cum Octavâ. Quibus sanè pièntiſſimi Regis Cathólici votis religioſiſſimis annuendo Sanctitas Sua, ad mei infrascripti Sacrôrum Rituum Congregatiõnis Secretarii relatiõnem, bonignè commiſit. Rmo. Dño. Card. Julio Mariæ de Soma-glia, Sacræ eidem Congregatiõni Præfecto, nec non R. D. Aloysio Gardellini, Sacræ ejusdem Congregatiõnis Aſſeſſori, mihiſque Secretario infrascripto, Officii, et Miſſæ, de quibus in precibus, revisiõ-

nem sub die primâ Martii currentis anni, qua quidem revisione absolutâ, Sanctitas Sua suprascriptum Officium, et Missam prout jacent revisa, correctâ, et emendata approbavit, et ab omnibus utriusque sexûs Cristifidelibus, qui ad Horas Canonicas recitandas tenentur, in singulis Hispanicarum Regni subjectis Dominiis, Kalendis Octobris quotannis in Festo Angeli, Regni Tutelâris, recitari, ac celebrari debere ritu dup. secundæ classis cum Octavâ benignè concessit. Contrâriis non obstantibus quibuscumque. D. Die 22 Martii 1825.

Julius Maria, Cardinalis Episcop. Ostiens. et Velitren. della Somaglia, S. Ecclesiæ Vice Cancellarius et S. R. Cong. Præfectus.

J. A. Sala S. R. C. Secretarius Coadjutor.

Loco ✱ annuli. Cardinalis S. R. C. Præfectus.

Visto bueno por el Ministro del Rey cerca de la S. Sede. Roma 15 de Abril de 1825. = Guillermo Curtoys.

POMPELONE: APUD FRANC. ERASUN ET RADA.

